

Na osnovu člana 8. i 13. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj: 49/06) te na osnovu člana 14. Statuta Općine Tešanj ("Službeni glasnik Općine Tešanj", broj: 11/07), Općinsko vijeće Tešanj na svojoj _____ sjednici održanoj dana _____, 2019. godine, donosi sljedeću:

O D L U K U

o izmjeni Odluke o nazivima i označavanju ulica, trgova i označavanju objekata brojevima na području Općine Tešanj

Član 1.

Mijenja se član 2. stav 1. Odluke o nazivima i označavanju ulica, trgova i označavanju objekata brojevima na području Općine Tešanj ("Službeni glasnik Općine Tešanj", broj: 3/15) (u daljem tekstu: Odluka o ulicama) i glasi:

„Nazivi ulica i trgova dodjeljuju se područjima, u dijelovima naseljenih mjesta, koji će u ovoj Odluci nositi nazive Tešanj, Jelah, Tešanjka, Miljanovci i Novi Miljanovci“.

Član 2.

Mijenja se prva rečenica u članu 3. stav 1. Odluke te ista nakon izmjene glasi:

Nazivi ulica i trgova sa opisom početne i krajnje tačke ulice ili trgova u Jelahu, sa posebno opisanom ulicom „Braće Omerbašić“ koja se jednim dijelom nalazi u Miljanovcima i Novim Miljanovcima, te sa opisom ulice „Put Bege Jacića“ koja se u potpunosti nalazi u naseljenim mjestima Miljanovci i Novi Miljanovci su:

Član 3.

U članu 3. stav 1. Odluke, mijenja se tačka 41. i glasi:

„Ulica Braće Omerbašić – od raskrsnice za Omanjsku i pruža se prema Miljanovcima desno do granice sa naseljenim mjestom Novi Miljanovci a lijevo do granice sa naseljenim mjestom Miljanovci, te ova ulica dalje od navedene granice ulazi u naseljena mjesta Miljanovci i Novi Miljanovci i završava sa raskrsnicom puteva Miljanovci i Novi Miljanovci.“

Član 4.

U članu 3. stav 1. Odluke, mijenja se tačka 46. i glasi:

„Ulica Put Bege Jacića-prostire se od raskrsnice Miljanovci i Novi Miljanovci, tj. od ulice Braće Omerbašić u obuhvatu naseljenih mjesta Miljanovci (lijevo) i Novi Miljanovci (desno) do mosta na potoku Markovac“.

Član 3.

Ova Odluka stupa na snagu danom objavljivanja u "Službenom glasniku Općine Tešanj".

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Obrazloženje

I PRAVNI OSNOV

Pravni osnov za donošenje ove Odluke sadržan je u članu 8. i članu 13. Zakona o principima lokalne samouprave u FBiH ("Službeni novine FBiH", broj: 49/06), te u članu 14. Statuta Općine Tešanj ("Službeni glasnik Općine Tešanj" broj 11/07).

II RAZLOZI DONOŠENJA ODLUKE

Razlozi za donošenje ove Odluke o izmjeni Odluke o nazivima i označavanju ulica, trgova i označavanju objekata brojevima na području Općine Tešanj su:

1. Otklanjanje formalno – pravnih nepravilnosti Odluke o ulicama koje dovode u pitanje validnost iste,
2. Rješavanje pitanja kontradiktornosti i neusklađenosti Odluke o ulicama u odnosu na Odluku o utvrđivanju opisa granica naseljenih mjesta na području Općine Tešanj sa pratećom izmjenom i dopunom ("Službeni glasnik Općine Tešanj" broj 6/05, 3/15) (u daljem tekstu: Odluka o granicama),
3. Rješavanje trenutnih praktičnih problema i pravne nesigurnosti mještana Miljanovaca i Novih Miljanovaca zbog primjene Odluke o ulicama protivno Odluci o granicama.

U članu 2. stav 1. trenutno važeće Odluke o ulicama stoji: „Nazivi ulica i trgova dodjeljuju se područjima, u dijelovima naseljenih mjesta, koji će u ovoj Odluci nositi nazive Tešanj, Jelah i Tešanjka.“ Analizirajući prethodno navedeno, jasno je da se nazivi ulicama daju za područje dijelova naseljenih mjesta Tešanj, Jelah i Tešanjka, što istovremeno znači da se ne daju nazivi ulicama u drugim naseljenim mjestima na području Općine Tešanj.

Međutim, bez obzira na prethodno navedeno, tačke 41. i 46. u članu 3. stav 1. Odluke o ulicama protivne su i kontradiktorne članu 2. stav 1. Odluke o ulicama, koji je prethodno citiran iz razloga što tačke 41. i 46. tretiraju i područje u dužini od oko 500 m koje se prema Odluci o granicama ne nalazi u Jelahu kako to stoji u Odluci o ulicama, već se nalazi u okviru područja naseljenih mjesta Miljanovci i Novi Miljanovci. Tako dio ulice „Braće Omerbašić“ koja je definisana članom 3. stav 1. tačka 41. Odluke o ulicama u dužini oko 200 m prolazeći granicu naseljenih mjesta Novi Miljanovci i Miljanovci ulazi u područje ovih mjesta. Od kraja ulice „Braće Omerbašić“ prema članu 3. stav 1. tačka 46. Odluke o ulicama pruža se ulica „Put Bege Jacića“ i to područjem koje prema Odluci o granicama u potpunosti pripada Miljanovcima i Novim Miljanovcima u dužini od oko 300 m. Iz svega navedenog jasno je da je Odluka o ulicama sama sebi protivna i kontradiktorna, a osim toga kontradiktorna je i protivna i Odluci o granicama. Važno je naglasiti, da se Odlukom o ulicama ne može mijenjati Odluka o granicama, niti ulaziti u bilo koje drugo naseljeno mjesto izuzev naseljenih mjesta definisanih u članu 2. stav 1. Odluke o ulicama.

Cijeneći osobe po kojim su predmetne ulice dobile nazive, vjerujemo da u Miljanovcima i Novim Miljanovcima nema oponenta davanju naziva ulicama po braći Omerbašić ili Begi Jaciću, ali Općinsko vijeće mora pod hitno donijeti Odluku da se nazivi ulica mogu davati i u drugim naseljenim mjestima osim Tešnja, Jelaha i Tešanjke. Do donošenja takve Odluke o ulicama, Odluku o granicama moramo poštovati, jer bilo kakvo drugačije postupanje protivno je načelima pravne države. Općinsko vijeće Općine Tešanj donijelo je nepravilnu Odluku o ulicama, koja je štetna po mještane koji naseljavaju područje koje je prethodno opisano, te koja proizvodi pravnu nesigurnost. Na predmetnom području se nalazi 30-ak kuća uključujući i nekoliko privrednih subjekata, sa preko 100 stanovnika, koji obzirom na sve okolnosti ne mogu sa sigurnošću potvrditi u kojem mjestu stanuju. Sve Odluke Općinskog vijeća Tešanj u svakom pogledu moraju biti formalno pravno razumljive i provodive, bez stvaranja pravne i faktičke nesigurnosti i konfuzije kod građana, jer Općinsko vijeće svojim Odlukama treba da uređuje odnose u društvu a ne da ih dodatno usložnjava. Posmatrajući tretirano područje kroz

prizmu Odluke o ulicama, svaka osoba, svaka porodica i svaka kuća istovremeno se nalazi u dva naseljena mjesta te u dvije mjesne zajednice, što je pravno zaista nemoguće i neprovodivo.

Prilikom pribavljanja potvrde o prebivalištu (cips) u Mup-u, mještanima se u istoj prema adresi prebivališta određuje da stanuju u Jelahu, a ne u Miljanovcima ili Novim Miljanovcima na čijem području prema Odluci o granicama stanuju. Promjene u cips-u i navođenje da ovi mještani stanuju u Jelahu implicira i promjenu glasačkog mjesta, što stvara probleme u pogledu ostvarivanja aktivnog i pasivnog biračkog prava. Nakon promjene u cipsu, mještani umjesto ostvarivanja svog aktivnog biračkog prava u Miljanovcima ili Novim Miljanovcima, ostvarivanje tog prava moraju tražiti na nekom od glasačkih mjesta u Jelahu, bez obzira što imaju legitimno pravo da glasaju na glasačkim mjestima u Miljanovcima ili Novim Miljanovcima u skladu sa postojećom Odlukom o granicama. Još je složenija situacija u pogledu ostvarivanja pasivnog biračkog prava, jer postoji pravno i faktičko pitanje ispred kojeg mjesto kandidat koji prema Odluci o granicama stanuje u Miljanovcima ili Novim Miljanovcima a prema Odluci o ulicama u Jelahu može i treba biti kandidovan na odgovarajuću kandidatsku listu. Također, za prethodno navedna prava usko je vezano i pitanje, u organima koje mjesne zajednice ovi građani imaju pravo i legitimitet da učestvuju u radu.

Analizirajući posljedice primjene trenutno važeće Odluke o ulicama sa aspekta privrednog razvoja, primjena Odluke o ulicama sa sadašnjim tačkama 41. i 46. iz člana 3. stav 1. proizvodi disbalans u smislu privrednog razvoja sjevero-istočnog dijela Općine Tešanj, jer je na tom području skoncentrisano nekoliko privrednih subjekata koji teritorijalno pripadaju Miljanovcima i Novim Miljanovcima, a po Odluci o ulicama pripadaju Jelahu. Stoga, Općinsko vijeće bi trebalo voditi računa i o ovim efektima Odluke o ulicama.

Na kraju, Općina Tešanj će uskoro izrađivati novi Prostorni plan, te je veoma važno da se isti ne zasniva na nepravilnoj i sa aspekta validnosti u gore navedenim tačkama upitnoj Odluci o ulicama, jer ukoliko želimo ostvarivati dalji napredak Općine Tešanj, Općinsko vijeće mora donositi validne Odluke, koje neće biti kontradiktorne i čija primjena neće proizvoditi probleme za naše građane.

Na osnovu iznesenog predlaže se donošenje ove Odluke.

 Predlagач

Tešanj, april 2019. godine

ODLUKU
o davanju na korištenje nekretnina javnim ustanovama "Sportsko-rekreacioni centar" Tešanj i "Opća biblioteka" Tešanj

Član 1.

Općina Tešanj daje na korištenje Javnoj ustanovi „Sportsko rekreativni centar“ Tešanj, objekat sportske sale radi obavljanja djelatnosti, i to:

- dio suterena i prizemlje izgrađeno na zemljištu označenom kao k.p.br. 348/6 površine 444m² K.O. Tešanj II i dio prizemlja (ulaz u salu) izgrađen na k.p.br. 348/5 površine 208m² K.O. Tešanj II, koje su prema podacima katastra zemljišta i zemljišne knjige upisane na korisnika Općina Tešanj sa dijelom 1/1.

Član 2.

Općina Tešanj daje na korištenje Javnoj ustanovi „Biblioteka“ Tešanj, objekat radi obavljanja djelatnosti, i to;

- dio suterena izgrađen na k.p.br. 348/6 površine 444m² K.O. Tešanj II i dio prizemlja, tri sprata i etažu ravnog prohodnog krova izgrađenog na zemljištu označenom kao k.p.br. 348/5 površine 208m² K.O. Tešanj II, koje je prema podacima katastra zemljišta i zemljišne knjige upisano na korisnika Općina Tešanj sa dijelom 1/1.

Član 3.

Na nekretninama iz člana 1. i člana 2. ove Odluke neće se vršiti promjena upisa u evidencijama o zemljištu.

Član 4.

Sastavni dio ove Odluke je Grafički prilog broj: 1 i Grafički prilog broj: 2 na kojima je prikazan položaj funkcija unutar objekta biblioteke i sportska sale.

Član 5.

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-31-8-49-22/15

Datum: 1.4.2015.godine

Na osnovu člana 8. i člana 13. Zakona o principima lokalne samouprave u FBiH ("Službeni novine FBiH", broj: 49/06) i na osnovu člana 14. Statuta Općine Tešanj ("Službeni glasnik Općine Tešanj", broj: 11/07), Općinsko vijeće Tešanj na svojoj 28. sjednici održanoj dana 31.03.2015. godine, donosi

ODLUKU

o nazivima i označavanju ulica, trgova i označavanju objekata brojevima na području Općine Tešanj

Član 1.

Ovom Odlukom utvrđuju se nazivi ulica i trgova, uređuje označavanje ulica i trgova nazivima i zgrada i katastarskih parcela kućnim brojevima, kao i vođenje registra ulica, trgova i kućnih brojeva.

Član 2.

(1) Nazivi ulica i trgova dodjeljuju se područjima, u dijelovima naseljenih mjesta, koji će u ovoj Odluci nositi nazive **Tešanj, Jelah i Tešanjka**.

(2) Izuzetno od odredbi iz prethodnog stava ovog člana posebna područja za dodjelu brojeva objektima, mogu se odrediti **poslovnim zonama**.

(3) Plan podjele na ulice, trgove i poslovne zone je sastavni dio ove Odluke koji su označeni kao (Prilog br. 1., Prilog br. 2. i Prilog br. 3.).

Član 3.

(1) Nazivi ulica i trgova sa opisom početne i krajnje tačke ulice ili trga, u Jelahu su:

1. Ulica Titova - od mosta u Mračaju do prvih semafora u Jelahu, odnosno do Trga branilaca.
2. Ulica Alije Isakovića - od mosta na Usori preko raskrsnice prema Miljanovcima do granice naseljenog mjesta Jelah-Polje.
3. Ulica Mustafe Ćemana - od raskrsnice u centru do mosta na Usori prema Piljužićima.
4. Ulica Braće Kotorić - od raskrsnice u centru do mosta na Radušici prema Tešnju.
5. Ulica 1.marta - od Trga branilaca u centru do Ulice Jelaškog odreda .
6. Ulica Muse Ćazima Ćatića - od Ulice Braće Kotorić putem prema Jevadžijama do raskrsnice sa putem prema Mračaju, te krak koji se odvaja za Mešiče.
7. Ulica 25.novembra - od Ulice Titova do kraja ulice koja ide pored ureda Župe Jelah.
8. Ulica kralja Tvrtka - iz Ulice Titova kod "Famusa" do kuće Jure Martinovića.
9. Ulica Pousorska - od ul. Mustafe Ćemana, preko puta "Haskomerc 2" , do Poslovne zone "Ekonomija".

10. Ulica Kasima Salkičevića - od Ulice Titova do Ulice Pousorska (početak preko puta Vemalovog skladišta).
 11. Ulica Željeznički prolaz - od Ulice Titova, pored stare željezničke stanice do Mujčića kuća.
 12. Ulica Ciglanska - od Ulice Husein-kapetana Gradaševića, pored kuća Kotorića, do poslovne zone Ciglana.
 13. Ulica Ribarska - od Ulice Husein-kapetana Gradaševića, pored restorana "Sunce", do klaonica na rijeci Usori.
 14. Ulica Vakuf - od Ulice 1.mart do džamije u Jelahu.
 15. Ulica Sakiba Subašića Mange - Od Ulice 1.marta do Ulice Muse Ćazima Ćatića (kroz Subašiće).
 16. Ulica Skendera Kulenovića - od Ulice braće Kotorić, prva ulica od puta za Jevadžije prema Jelahu.
 17. Ulica Meše Selimovića - od Ulice braće Kotorić, druga ulica od puta za Jevadžije prema Jelahu.
 18. Ulica Safvet-bega Bašagića - od Ulice braće Kotorić, treća ulica od puta za Jevadžije prema Jelahu.
 19. Ulica Sječanska - od Ulice braće Kotorić, četvta ulica od puta za Jevadžije prema Jelahu.
 20. Ulica Mostarska - od Ulice Husein-kapetana Gradaševića, paralelno sa Ciglanskom ulicom (pored TIK-a).
 21. Ulica Maka Dizdara - od Ulice Titova, pored kuće Ćorić Hajrudina do ulice Pousorska.
 22. Ulica Jelaškog odreda - od Ulice Muse Ćazima Ćatića do Mračajske rijeke.
 23. Ulica Armije BiH - od Ulice 1.marta do Željezničkog prolaza.
 24. Ulica Husein-kapetana Gradaševića - od Trga branilaca u centru do mosta na Radušici (prema Doboju).
 25. Trg branilaca BiH - prostor između ulica Titova, ul. Adema Omaha, ul. Mustafa Ćemana, ul. Husein-kapetana Gradaševića, ul. 1. Marta, ul. Armije BiH i Željezničkim prolazom.
 26. Ulica Samira Mehinovića - od Ulice 1.mart, kod kuće Tahe Mehinović, do kuće Saliha Sadikovića.
 27. Ulica donja Sječa - od Ulice braće Kotorić, kod kuće Ibrahima Pašića, do kuće Ibrahima Mahmutefendića.
 28. Ulica donja Sječa 1 - od Ulice braće Kotorić, kod kuće Seada Hanića, do kuće Huse Memića.
 29. Ulica Teslička - skretanje sa puta Tešanj-Jelah kraj "KIA" sevisa i počinje od rijeke Radušice i pruža se desno i lijevo do zadnjih kuća.
 30. Ulica Nikole Šopa - od Titove ulice, kod kuće Ahmeta Hankića, do kuće Memić Asima.
 31. Ulica dr. Vladimira Preloga - odvaja se iz Ulice Husein-kapetana Gradaševića, kod kuće Ašira Hrvića, i pruža se do "Mukiproma".
 32. Ulica dr. Mehmeda Spahe - odvaja se iz Ulice Husein-kapetana Gradaševića kod kuće Ramića i pruža se do kuće Vahdeta Karahmeta.
 33. Ulica Alekse Šantića - odvaja se od Ulice Alije Isakovića, kod kuće Miralema Ćemana, i pruža se do kuće Vlade Mandića.
 34. Ulica Muje Đonlagića - odvaja se iz ul. Kasima Salkičevića, kod kuće Esada Jašarevića, i pruža se do kuće Isić Zijada.
 35. Ulica Ivana Franje Jukića - iz Ulice 25. novembra kod kuće Ramić Sajde i pruža se do ulice Nikole Šopa.
 36. Ulica Hasana Kjačije Pruščaka - iz Ulice Armije BiH (kod kuće Franje Bagare) i pruža se do kuće Hadžikadunić Omera.
 37. Ulica Srebrenička - iz Ulice Armije BiH (kod kuće Seada Kadušića) ipruža se do kuće Hodžić Muje.
 38. Ulica bana Kulina - iz završetka Ulice Armije BiH odvaja se do kuće Huskić Derviša.
 39. Ulica Dobojska - iz Ulice Sakiba Subašića Mange (kod kuće Muharema Subašića) odvaja se do kuće Zehrudina Mustajbašića.
 40. Ulica Adila Ahmića - od raskrsnice u Jelah Polju prema Miljanovcima pa do raskrsnice za Omanjsku.
 41. Ulica Braće Omerbašić - od raskrsnice za Omanjsku prema Miljanovcima, pa do raskrsnice puteva prema Miljanovcima i Novim Miljanovcima.
 42. Ulica Bunari - od benzinske pumpe "Ćeman-Energoprom" i skretanja za Sivšu do granice općine Tešanj prema općini Usora.
 43. Ulica braće Jašarević - iz Ulice 25.novembar kraj kuće Unkić Senke do kuće Osivčić Smaila.
 44. Ulica Adema Omaha - novi dio regionalnog puta pored doma u Jelahu od magistralnog puta Dobojsko-Teslić do regionalnog puta Tešanj-Prnjavor.
 45. Most Lejle Mulalić - most na rijeci Usori od Jelaha prema Piljužićima.
 46. Ulica "Put Bege Jacića" - od raskrsnice Miljanovci i novi Miljanovci, tj. od ulice braće Omerbašić, desno do mosta na potoku Markovac.
- (2) Nazivi ulica i trgova sa opisom početne i krajnje tačke ulice ili trga, u Tešnju su:
1. Trg Gazi Ferhat-bega - prostor između ulica Titova, Enesa Galijaševića, Adema Prnjavorca,

- Saliha Sarića, 9.septembra i Ilirskog trga (gornja čaršija).
2. Ulica Titova - od Trga Alije Izetbegovića do Trga Gazi Ferhat-bega (poznata kao "karaula").
 3. Ulica braće Pabrić - od Trga Alije Izetbegovića, omeđena ulicama 1. Marta, Meše Selimovića, Hajrudina Hajdića, Karamutovi, Senada Hodžića do potoka zv. Smrdelj.
 4. Ulica Senada Hodžića - od Ulice braće Pabrić (kod lovačkog doma) putem prema gornjem Dobropolju do raskrsnice sa Ulicom Meše Selimovića i Ulicom Kose.
 5. Ulica Patriotske lige – od mosta (kod skretanjaza Kotlanice) do raskrsnice prema Dolcu.
 6. Ulica Hajrudina Hajdića – od raskrsnice kod zgrade stare Gimnazije omeđena ulicama Braće Pabrić, Meše Selimovića i Karamutovi.
 7. Ulica Meše Selimovića – od ulice braće Pabrić (preko puta OŠ Huso Hodžić) do raskrsnice sa ulicama Kose i Senada Hodžića.
 8. Ulica Obala – od mosta na rijeci Tešanjci kod sportske dvorane OŠ "Huso Hodžić", putem na lijevoj obali rijeke Tešanjke do mosta na "sastavcima" do ulice Patriotske lige.
 9. Ulica Srebrenička – od ulice braće Pabrić (kod Vakufske banke), prema Tepetu do raskrsnice sa Ulicom Skendera Kulenovića (kod greblja).
 10. Ulica Armije BiH – od ulice Srebreničaka omeđena ulicama Antuna Branka Šimića i Envera Ajanovića do ulice Safvet-bega Bašagića.
 11. Ulica Safvet – bega Bašagića – od ulice Armije BiH (kao nastavak te ulice) do ulice Skendera Kulenovića.
 12. Ulica Skendera Kulenovića – od ulice kralja Tvrtka, kroz Hrvatiniće do groblja na Hrvatinićima (spoj sa ulicom Srebrenička).
 13. Ulica Nedžada Šaranovića – od ulice Izudina Aličehajića (raskrsnica regionalnog puta i puta prema toplani i džamiji u Bukvi) do spoja sa regionalnim putem Tešanj-Jelah i novoplaniranoj ulici 5 i krak prema džamiji u Bukvi.
 14. Ulica kralja Tvrtka – od mosta kod Doma kulture do mosta kod Elektrodistibucije (objekta "katanga").
 15. Ulica 1. marta – od Ulice Braće Pabrić, pored hotela i Doma kulture do Ulice kralja Tvrtka
 16. Trg Alije Izetbegovića – od mosta u Ulici Braće Pabrića (kod hotela) do mosta u Ulici Kralja Tvrtka (kod Doma kulture).
 17. Ulica muftije Mesuda ef. Smailbegovića – od trga Alije Izetbegovića (most kod hotela) omeđena Ulicom Nisima Albaharija.
 18. Ulica Nisima Albaharija – Od Trga Alije Izetbegovića, omeđena ulicama Momana Topreka, Tešanjskih brigada i Nisima Albaharija do izvora zv "Kosovac".
 19. Ulica Tešanjskih brigada – od raskrsnice ulica Nisima Albaharija i Momana Topreka do kantića kuća (tzv. bagalin put).
 20. Ulica dr. Adema Handžića – spaja Trg Alije Izetbegovića i Ulicu Tabačka, omeđena ulicama Nisima Albaharija, Momana Topreka i Oruči Sofi (ulica poznata kao "Smailbegovka").
 21. Ulica braće Mulabećirović – od Ulice Titova (kod apoteke Tefarm) do Ulice Hamzalije Ajanovića (gornji sokak). Ulica poznata kao "Kapa".
 22. Ulica Šehagića prolaz – od Muftijinog konaka pored harema čaršijske džamije, lijevi i desni krak.
 23. Ulica Momana Topreka – od Ulice Nisima Albaharija (raskrsnica prema izvoru Kosovac i početka Bagalinog puta) do kuća na Gaj-u lijevi i desni krak.
 24. Ulica Husage Ćišića – od ulice Enesa Galijaševića (Numeri) putem kroz vakufsku zemlju do ulice Hamzalije Ajanovića (gornji sokak).
 25. Ulica Srkalovića prolaz – od ulice Hamzalije Ajanovića (kod izvora "Sejda") do ulice Husage Ćišića.
 26. Ulica Tabačka – od Ulice Momana Topreka (pod Gajem) do Trga Gazi-Ferhat bega (kod zgrade Medžlisa Islamske zajednice)-znana kao srednji sokak.
 27. Ulica Hamzalije Ajanović – od Ulice Enesa Galijaševića (od "kovačnica") do kraja ulice (gornji sokak).
 28. Ulica Enesa Galijaševića – od Trga Gazi Husrev – bega pored greblja "Đonlagička" (Numeri) do raskrsnice sa Ulicom Husage Ćišića (raskrsnice puteva prema Ravnama).
 29. Ulica Adema Prnjavorca – od objekta Vemal-a uzvodno potokom Serava do kraja puta, omeđena ulicama Abdurahmana Mešića, Kemala Korajlića i Rudolfa Zaplate (poznata kao "mala Serava").
 30. Ulica Kemala Korajlića – od ulice Enesa Galijaševića do ulice Adema Prnjavorca.
 31. Ulica Nesuha Mešića - iz ulice Abdurahama Mešića, prva ulica lijevo od Vemal-ove upravne zgrade.
 32. Ulica Ali – paše Hećimovića – od raskrsnice sa ulicama 9. Septembar, Abdurahmana Mešića (kod objekta Vemal-a) do Ulice Krndija.

33. Ulica Edhema Mulabdića – od Ulice Ali-paše Hećimovića (kod Bukvića dućana) do kuće Durkalića.
 34. Ulica Vilaševića prolaz – iz Ulice Ali-paše Hećimovića od kuće Širbegovića do kuće Esada Vilaševića.
 35. Ulica Safeta Hadžihasića – od ulice Titova, ispod Gradine do parkinga na rijeci Tešanjci preko puta Doma kulture.
 36. Ulica 9. septembra – od raskrsnice sa ulicama Ali-paše Hećimovića i Abdurahmana Mešića (od Vemal-ove upravne zgrade) do mosta u Ulici Kralja Tvrtka kod objekta “Katanga” (put prema poslovnici elektrodistribucije sa krakom koji izlazi na trg Gazi Ferhat-bega (poznata kao “Serava”).
 37. Ulica Mehinagića prolaz – spaja ulice Ali-paše Hećimovića i 9. Septembar (od kuće Ediba Mehinagića do kuće Avdije Adžamije).
 38. Ulica Kose – od spoja ulica Senada Hodžića i Meše Selimovića, putem prema gornjem Dobropolju do raskrsnice puteva za Tepe i Gornje Dobropolje).
 39. Ulica Todora Vujasinovića – iz ulice Srebrenička pored ulaza u pravoslavno groblje pa do kraja puta.
 40. Ulica Antuna Branka Šimića – od ulice Srebrenička do Kahvića parcele.
 41. Ulica Tepe – prva ulica desno iznad vode “Tepe” do raskrsnice i spajanja sa ulicom Ahmetagića put.
 42. Ulica Abdurahmana Mešića – od raskrsnice sa ulicama Ali-paše Hećimovića i 9. Septembar (kod Vemal-ove upravne zgrade) do raskrsnice sa novim ulicama 5 i 6.
 43. Ulica Oručići Sufi – put pored zgrade općine do Hamza – begove džamije.
 44. Ulica Zija – bega Đonlagića – iz Ulice Enesa Galijaševića pored vakufske kuće do kraja puta
 45. Ulica Rudolfa Zaplate - od ulice Enesa Galijaševića putem prema potoku Serava (donji dio greblja Đonlagića).
 46. Ulica Abdulah – paše Defterdarije – iz Ulice Ali-paše Hećimovića, put od lagera Šemsudina Ibrhaimovića do kuće Paše Bešlagića.
 47. Ulica Harman – od ulice Ali-paše Hećimovića do Ulice Edhema Mulabdića (prema Harman – džamiji na Guvnima).
 48. Ulica Karavanski drum – između Ulice Enesa Galijaševića i Ulice Ravne.
 49. Ulica Ravne – od Ulice Tešanjskih brigada do raskrsnice sa ulicama Karavanski drum i Ošljak.
 50. Ulica Ošljak – od Ulice Patriotske lige (kod TOŠK – ovog stadiona) do raskrsnice sa ulicama Ravne i Karavanski drum.
 51. Ulica Kotlanice – od Trga žrtava 3. Avgusta (od mosta na Mekiškoj rijeci kod preduzeća RAD) do raskrsnice sa Ulicom Dolac 1 (do džamije u Kotlanicama).
 52. Trg žrtava 3. avgusta – prostor između Ulice Patriotske lige, Braće Pobrić i Kotlanice.
 53. Ulica Palestinska – od Ulice Kotlanice do imanja Azema Mulalića.
 54. Ulica Dolac – od Ulice Patriotske lige do kuće Mehe Artukovića.
 55. Ulica Dolac 1 – od ulice Dolac do raskrsnice sa Ulicom Kotlanice (kod džamije u Kotlanicama).
 56. Ulica Karamutovi – od Ulice Braće Pobrić do Ulice Senada Hodžića (iznad rezervoara).
 57. Ilirski trg – put koji se odvaja sa Trga Gazi Ferhad – bega prema Gradini.
 58. Ulica Kemala Brkića – od zgrade Mjesne zajednice kroz zanatski centar do ulice Titova.
 59. Ulica Envera Ajanovića – od Ulice Armije BiH do kuće Emine Ajanović.
 60. Ulica Krndija – obuhvata područje stambenog naselja krndija (TKA, TKB, TKD, TKE i novi objekti HG).
 61. Ulica Izudina Alićehajića – od kružnog toka na ulazu u Tešanj do potoka Vranduk u Bukvi.
 62. Ulica Ahmetagića put – od ulice Srebrenička pored greblja Obješenica do raskrsnice i spajanja sa ulicom Kose.
 63. Ulica Saliha Sarića – od trga Gazi Ferhat-bega do ulice 9.septembar.
- (3) Nazivi ulica i trgova sa opisom početne i krajnje tačke ulice ili trga, u Tešanjci su:
1. Trg žrtava 8.oktobra – obuhvat na raskrsnici puteva Doboje – Teslić – Tešanj.
 2. Ulica 27. jula – od mosta na rijeci Tešanjci starom dionicom puta za Doboje do kuće Dadić Branislava na magistralnom putu prema Doboju.
 3. Ulica Alije Izetbegovića – od Ulice 27. jula putem prema Lepenici do prvog potoka na tom putu tj. do kuće Djedović Zijada.
 4. Ulica Rusmira Maglića – putem za staro Krašvo od kuće Enesa Bekrića do muslimanskog greblja sa desne strane puta.
 5. Ulica 25.novembar – od Ulice 27. jula kraj autootpada do kuće Ivana Dadića.
- (4) Nazivi poslovnih zona na području općine Tešanj u okviru kojih će se izvršiti numerisanje kućnim brojeva su:
1. Poslovna zona “Bukva” - područje od toplane do potoka Vranduk, između regionalnog puta Tešanj-Šije i rijeke Tešanjke.

2. Poslovna zona "Vila" – područje od potoka Vranduk do puta za Dubalj sa lijeve i desne strane regionalnog puta Tešanj-Šije kako je predviđeno regulacionim planom "Poslovna zona Bukva".
3. Poslovna zona "Ciglana" – područje bivše ciglane sa objektima smještenim južno od magistralnog puta.
4. Poslovna zona "Ekonomija" – područje koje obuvata "FAD" i poslovni objekti istočno od FAD-a i sjeverno od magistralnog puta.
5. Poslovna zona "Glinište 1" i "Glinište 2" – područje poslovne zone predviđene na istočnoj strani RP Gliniše.

Član 4.

Nazivi ulica i trgova ispisuju se u skladu sa Ustavom i Zakonom kojim se uređuje službena upotreba jezika i pisma.

Član 5.

- (1) Označavanje naziva ulica i trgova vrši se postavljanjem tabli od trajnog materijala.
- (2) Table sa nazivom ulice ili trga postavljaju se na objekte tako da su vidljive iz ulice odnosno, sa javne površine.
- (3) Table sa nazivom ulice ili trga postavljaju se u skladu sa planom o označavanju kojeg sačinjava nadležna Služba.

Član 6.

- (1) Pločica sa kućnim brojem postavlja se na dijelu objekta koji je bliži ulazu, a da je vidljiva sa ulice odnosno sa javne površine.
- (2) Označavanje katastarskih parcela kućnim brojem vrši se postavljanjem pločice na posebnom stubu, stim da je pločica vidljiva iz pravca ulice. Ako je parcela ograđena, postavljanje pločice vrši se na ulazu u parcelu vodeći računa o njenoj vidljivosti.
- (3) Pločice sa kućnim brojem se izrađuju od trajnog materijala.
- (4) Dodjela kućnih brojeva u ulicama i trgovima vrši se na osnovu plana dodjele kućnih brojeva kojeg sačinjava nadležna Služba.

Član 7.

Označavanje Poslovnih zona i objekata u poslovnim zonama će se vršiti kako je definisano u članu 5. i 6. ove Odluke.

Član 8.

- (1) Vlasnik katastarske parcele, odnosno objekta, dužan je ovlaštenom licu omogućiti nesmetano postavljanje, održavanje i zamjenu tabli i pločica.
- (2) Vlasnik katastarske parcele, odnosno objekta za dodjelu kućnog broja, troškove nabavke i postavljanje pločice sa kućnim brojem plaća naknadu.

(3) Ako se nakon uspostave adresnog registra desi izmjena u nazivu ulice ili trga, vlasnik objekta ili katastarske parcele nije dužan snositi troškove iz stava 2.ovog člana.

(4) Naknada se uplaćuje u korist Budžeta općine Tešanj.

Član 9.

Nadležna Služba uspostavlja i vodi Registar naziva ulica, trgova, poslovnih zona i kućnih brojeva na području Općine Tešanj - Adresni registar.

Član 10.

Aktivnosti na postavljanju tabli sa nazivima naseljenih mjesta, ulica, trgova i pločica s kućnim brojevima finansiraju se iz budžetskih sredstava općine ili na osnovu donatorskih sredstava.

Član 11.

Sadržaj adresnog registra je definisao softver koji je jedinstven na nivou Federacije Bosne i Hercegovine.

Član 12.

Ovlašćuje se Općinski Načelnik da donese propise potrebne za provođenje ove Odluke.

Član 13.

- (1) Općinski komunalni inspektor je dužan pratiti provođenje ove Odluke, kao i vršiti nadzor u smislu otkrivanja protivpravnih radnji propisanih ovom Odlukom.
- (2) Općinski komunalni inspektor može izreći novčanu kaznu za prekršaje i protivpravne radnje iz ove Odluke u visini od 30 do 100 KM a naročito za neovlašteno označavanje, skidanje, oštećivanje ili narušavanje izgleda pločica s kućnim brojevima ili table s nazivima ulica, trgova i poslovnih zona.

Član 14.

Stupanjem na snagu ove Odluke prestaje primjena Odluke o izmjeni naziva ulica i trgova u Tešnju, Jelahu i Tešanjci ("Službeni glasnik Općine Tešanj", broj: 4/05, 6/05 i 2/13).

Član 15.

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01- 31-8-58-78-18/14
Datum: 01.04.2015. godine